


江北廳志

地 280.53  
7736  
部 2018



敘

班孟堅前漢書

有地

理志范蔚宗後漢書

有郡國志志之統於

史也由來舊矣後陳

江北廳志

序

承祚作三國志常道

將作華陽國志而史

專以志名矣蓋志者

所以記實事傳信來

茲俾後之官斯土者

悉其梗概而知所措  
施焉其有關於治理  
顧不重與江北舊隸  
巴縣嗣因義禮二甲  
及仁里六甲在小江

之北者以事詣官而  
涉小江六月間水  
勢泛漲波湧瀾翻時  
虞覆溺乾隆二十四  
年因民之便以重慶

府同知移駐江北以  
巴縣義禮二里仁里  
六甲隸焉迄今八十  
餘年官更數十於志  
書一事闕而未修識

者憾焉長白福潤田  
司馬於道光八年來  
蒞茲任十四年來潔  
已愛民烝黎向化始  
而鄰邑歸仰繼而遐

邇同風罔不傾心頌  
揚德政又復雨暘時  
若屢慶豐年政事之  
暇謀創修之乃延江  
北訓導宋君煊候補

訓導黃君雲衢職其  
事兩君並博雅知名  
之士分門別類網舉  
目張備而不繁簡而  
不漏可謂邑志之善

者已脫稿後問敘於  
予予為略舉其巔末  
如此


道光二十二年歲次  
壬寅秋八月四川分

江北廳志

序

五

巡川東兵備道長白  
嵩齡敘



敘

古者天子命太史輯  
軒採詩周知列國之  
風土人情本以出治  
今之志猶古之史也

江北廳志

敘

六

昔蕭相國入關獨收  
故府圖籍子朱子莅  
官先索其地之志觀  
之志之不可缺也明  
甚江北舊隸巴縣嗣

因幅幘遼濶經理難  
周又中隔嘉陵江春  
夏之間桃花竹箭汎  
發人興無渡之歌乾  
隆二十四年移駐理

民同知於江北以巴  
縣之仁義禮三里屬  
焉迄今八十餘年疆  
理不無變遷政治不  
無沿革人物風氣不

無興替而人未有志  
潤田福司馬分守是  
邦畱心人之築高城  
修試院建文昌宮宇  
置三費公田善治畢

舉慮山川風物政事  
人文之人而無稽也  
乃延學博宋君明經  
黃君博訪精擇編輯  
成書歲癸卯余分巡

川東獲閱稿本喜其  
簡要明晰可以信今  
而傳後也予生長周  
召分陝之邦讀國風  
江永一歌江沱一詠

未嘗不心嚮徃之莅  
斯士閱斯志而知文  
王化行江漢千載下  
其風猶存謹綴數言  
以誌江州之雅化云


爾

道光二十四年歲次

甲辰仲冬月四川分

巡川東兵備道關右

耿自檢敍



江北廳志

敍

十

序

維

國家聲教四訖奄有萬方地  
域廣輪之數有出千古山  
經地志之所不及詳者猗

江北廳志

序

十一

歟盛哉讀

大清一統志而知我

朝之撫馭廣而德威遠也遞  
一統志而下自直省及府  
廳州縣各有其志以備太

史輜軒之陳若星乎志之  
不可缺畧也明矣江北舊  
隸巴縣乾隆中始以重慶  
府同知移駐之歷年久更  
官多而於廳志缺而不講

其山川人物雖粗載巴縣  
志中亦旣此疆彼界自應  
別爲一編以資記載廢置  
至今噫此志應運而後興  
歟抑待人而後行歟長白

福潤田司馬涖官厥土創  
舉獨成付梓後問序於余  
余初知府事未知司馬之  
政事何如也第披閱是編  
其綱目自輿地以至藝文

朗若列眉瞭如指掌而其  
中又復繁簡得宜詳畧適  
當不特後之官斯土者得  
所措施卽司馬佐

聖天子休明之治也亦匪淺鮮

是爲序

道光二十四年歲次甲辰季  
冬朔日四川重慶府知府

蓉齋鄂惠序



敘

郡縣之有志所以記山川  
風物政事人文所載雖祇  
一隅而登諸省志上之

朝廷卽從古十五國風可以  
觀世之遺意也廳自乾隆

江北廳志

敘

五

二十四年爲縣治遼濶案  
內分駐同知於江北歷來  
並未修有專志其人物事  
蹟之在江北者悉載巴志  
然歷年旣多後之鄉賢耆  
德忠孝節烈者未經編入

考證全無盍勝浩嘆嘉慶  
十七年大府纂修省志  
通札採取江北僅以抄本  
上呈其摭取者不過什一  
等諸自檜無譏云爾然則  
志苟不輯其何以徵文考

獻信今而傳後哉道光八  
年余捧檄來守是邦卽欲  
編輯廳志而多務未遑輒  
復中止壬寅春乃商諸學  
博宋蔚堂一以主稿相屬  
而霽亭黃君從而損益之